


CIMELIA

0

71


kat. komp.






71

CIMELIA






1961. I. 21.

22 BAPTIS-
SMVS ARME-
NORVM

Per M. Andream Lubelczik Bochnen. Cano-
nicum & Cöcionatorem Lecpolien. or-
dinarium, latinitati ad uerbum
donatus.



I. Corin. 12.

Non sit schisma in corpore, sed in idipsum
pro inuicem solliciti sint membra.

BLIOTH. UNIV.



ELLONIDAE

Ephesi. 4.

Vnus Dominus, una fides, unum baptisma,
unus Deus & pater omnium.

Cim. O. 71

Adiecta est præterea purificatio mulieris
Armenæ post partum in calce libelli.

EXCVSSVM

In officina Viduæ Floriani Vnglerij relicta.

Anno Christianæ salutis 1544.

Teol. pol.

35 III



Tam pulcher uitulū q̄ sm̄, toleransq; laborum
 Hoc tibi non mirum sit. bene conueniunt.
 Nam pulchram, & ueterem, signo de steminate gētē
 Ornat quam Samuel dotibus egregijs.

I T

PRÆSTANTISSIMO

AC REVERENDISSIMO IN CHRISTO PATRI DOMINO SAMVELI MACIEIOſSKI EPISCOPO PLO-

ceñ. Regniq; Poloniae Procancellario M. Andreas

Lubelczik Bochnieñ. Canonicus & Concionator

Leopolieñ. Vnitatem schismatum ac Iudicium

in arduis humiliter commendat.



REQVENTER SOLET

iusultare nobis antistes integerrime
gens recitata hæbreorum atq; insul-
tañ. nostra arma velut pro Imper-
fracta parma obicere, de aduentu

Messie illis per dubio fiet (inquit Christus vester) **Io. 10.**
num ouile & vnus pastor. Quibus verbis nude ex sō
te Euangelij excerptis, nec vnum vnquā pastore Chri-
stianum audisse, nec vnum ouile vidisse, multa siqui-
dem ouilia ex sua Thalmutica fictione astruunt, Ita
lorum, Græcorum, Slauorum, Armenorum, seu ut illi
vno vocabulo comprehendunt Goiorū. Imo quot bar-
baras linguas, tot & ouilia, præter sanctum ouile in-
præsancto Idiomate hæbreo erectum à Mose confin-
gunt, nec vnum item pastorem, verum alium in octi-
dente sole, Papam, In oriente vero Patriarchas Græ-
corum, Catholicos Armenorum, similiter Episcopos ac
Parochos infinitos, hinc falso colligit quasi quod sint
A ij sacerdos

sacerdotes tot & schismata ac ouilia, insuper hec cæ-
cata natio adducit in sui comenti fulcimentū hoc, quia
abhorrent latini Græcos, Græci detestantur Armenos
Armeni similiter Græcos, se seq; mutuo mordent, inse-
stantur, atq; sugillant, & nī Magistratus cohiberet
grauī multa, actum esset de vita multorum, cum orta
esset harum nacionum in confessu eciam serio discepta-
tio de rebus fidei, subiungit præterea hæc dura ceruicis
digno notata Epitheto Synagoga, Anatematizationes
mutuas, grauisimū vnitatis ac pacis disturbium, non
solum pro fide, sed etiam pro varijs ritibus fidei, dum
alij cœlibes volunt videri, alij coniugibus ligati, hij bar-
bis redimiti, illi velut à natiuitate glabri, hos azimus
sacer panis oblectat, illos vero massā fermentata detia-
net, Quidam efficere Christianum cupientes Triadem
superbenedictam sub prima persona inuocant, quidā
vero hoc in tertia perficere contendunt, nam cum for-
te accidit Iudeum leuari à fonte Græco, velut in Bra-
scio nuper euenerat, tanquam de Scylla in Charibdim
quidam incidisse impudenter affirmare ausi sunt, cum
magno vnitatis Christiane dispendio & Neophiti ma-
iori vacillatione, Quasi vero due essent Cule Christi,
aut duo pastores, aut alia trias latinorum, alia Græco-
rum, alia Armenorum, sicq; multos nescio qua temeri-
tate Asymbolon reddiderunt, quos olim vna professio
ouilis & pastoris consociauit. subneruantes illud iam
à Christo perfecte completum Gnōmi, fiet vnum ouil-
le & vnus pastor: huicq; genti præpuciotennis non aut

corde circumcisa, lapidem offensionis & petram scan-
dali iuxta iter vitæ eternæ statuunt, Quæ comenta eo-
rum licet facile dilui possint cum & Christus dominus
ea in Matheo abunde diluit, qui plus traditionibus pha-
riseicis tribuebant quam verbo domini, ita plus Cai-
phe aut Anne sanguinarijs quam Christo Teremie sub-
scribenti fiet vnum ouile & vnus pastor, ea enim ver-
ba ex coherentia litteræ non aliud quam vnitatem o-
uilem Iudaicæ cum gentibus ac vnitatem pastoris Messie
spirant. Oportet enim me (inquit) illas adducere quæ
verba summum pastorem vnitatemq; designant dispa-
rium ouium, Cum isti Deum viuum verumq; in Iudea tã-
tum notum coluerunt, illi vero Dijs manufactis velut
mente capri adolebant, Illi velut boues iugo Diuine le-
gis iugati, isti aut velut Iob onager extra septa legis
& naturæ vagabundi in deserto Idolatriæ ac volupta-
tis lubricissimæ ad Christum vsq; Apostolos absq; cha-
mo & freno conuersabatur. Sed Messia de altissimis
in carne mira exinanitione apparente boue cū onagro
in vnitæte suauissimi iugi Evangelici copulauit, lupūq;
cum agno habitare, pardum cum hedo ut est in Esaia.
vate accubare, leonem cum oue simul morari omnipo-
tenti verbo suo perfecit. Quid lupo aut leone ferocius?
Quid hedo libidinosius? aut fetidiūs? Quid pardo ma-
culosius? Quæ omnia turpitudinem ac ferocitatem gen-
tium significant, Quid oue aut agno mitius ac mansue-
tius? tamen hæc omnia tam seu animalia nationum
& tam mansueta hebreorū, Christus dominus pastor
A iij omnium

Mat. 15.

Iere. 23.

Psal. 75.

Iob 6.

Philip. 6.

Esaï. 11.

omnium à ferocitate mansuefecit, à feditate & varie-
 tate peccatorum vno fonte baptismatis abluit atq; illā
 pecuinam ferocitatem in agnam naturam, spiritu o-
 ris sui transformauit. Demptis quibusdam tam inter
 iudeos quam inter gentes quos ore suo sancto filios in-
 credulos ac perdicionis nominauit, & quos magis mī-
 dus cum actibus suis oblectat, qui haftenus circumeū-
 ciuitatem Dei gloriosissimam, ouileq; Mannate sua-
 ui ssimo refertum fastidiunt, ac famem paciuntur ve-
 lut canes. Quum istos insulsa legis obseruatio demacra-
 uit, illos vero Sardanapolica voluptas irretiuit. Fru-
 stra itaq; docte Pontifex, causari de nobis solent iu-
 dei pariter ac Saraceni, quasi nos plures caulis habea-
 mus, aut plures pastores recognosceremus, cū tamē vnū
 omnium pastorem Iesum Christum vno ore ac vnani-
 mi quatuor plagarum mundi consensu profiteremur,
 licet varios ritus plerq; Ecclesie vario modo obseruāt
 velut & illi multos Rabinos sub vno Mose retinent,
 Nam alij Caraimite seu literales, alij Talmutiste seu
 Doctrinales, alij Cabaliste, alij Mercani seu oracula-
 rium vocis rerum excellentissimarum vnus ad alterum
 nauate ac recepte traditiones, similiter sicut in vna
 archa quæ ipsissimum Typum gerit Ecclesie, varia re-
 ceptacula & nidi animalium ferocium & mansuetorū
 continebantur, vnus tamen Noah illa concursus di-
 uersitas moderabatur imperio ac pastura, ita in archa
 Iesu Christi etsi quædam varietas aparet rituum, par-
 tium ex apostolorum traditione, partim ex apostolica
 rum via

Psa. 58.

Gene. 7.

rū uirorū deuotione, tum etiam ex locorū & temporū
necessitate, tamen ea quæ sunt de substantia ueræ &
inconcussæ fidei omnes ex æquo ubiq; terrarum in Euā
gelio Christi ac symbolo Apostolorum aut Apostoli
corum patrum Niceno, pleno ore confitentur, ut nihil
difficultatis aut diuersitatis in quacunq; lingua & na
tione proferantur, generent, & quāuis alij Pape, a
lij Patriarche, quidam Catholici, quidam pastores &
Doctores tamen omnes teste Doctore gentium dati sūt **Ephe. 4.**
ab unico Christo, in opus ministerij, in edificationem
cōporis Christi, quod est Ecclesia, nisi quod Petro ve
luti altero Noah ore Christi quædam prælatio Pastu
re in Ioanne collata est, ut sit vertex Apostolorum sū
cut & post eum Romano pontifici ob reuerentiā Pe
tri quem sic Christus unice veneratus est primus hencō
inter Patriarchas Catholicos & Episcopos consensu
omnium Ecclesiarum attributus est, ut ea unitate pasto
ris & ouilis unum ouile & unum pastorem habeamus
in terris, sicut unus est Deus & pastor omnium in cœ
lis, verum quia hæc unitas Ecclesiarum & pastorū nō
omnibus constat una, sed maxime dispar, ob id omni
bus ex æquo adnitendū est Pontificibus, ut eam unita
tem in tot sectas diuisam atq; hanc archam Christi in
tam varias particulas fissam, glutinæ charitatis conso
lidarent, quod solet fieri in concilijs generalibus, ubi
patres gnari legis diuinæ, & traditionum paternarū
fere ex uniuerso orbe terrarum coeunt, unum pasto
rem & unum ouile recognoscentes, talis enim coicisio
A **uij** **grauis**

Ioan. 21.

gratis esset causa Iudeis ac Saracenis redeūdi ad archā
fidei, ubi viderint in vna archa dicamerata aut trica-
merata pacificā ratiōaliū animalū māsionē, ad vnūq;
perfectionis finem omnia festinare, nam quēadmodū
nihil periculi in vita cuncta animantia inter archam
conclusa annuo diluuiō passa sunt, ita in hac vnitāte
Ecclesię cōclusi fideles nihil iacturę aut despectus na-
cio à natione, ritus à ritu pati debuisset, quod etiam
Actu. 10. ille Primarius arche Christi gubernator se in visione
vidisse testatur, nam in quadam extasi mentis hora sex-
ta diei vigil existēs, vidit vnum linteum magnum fidei,
in quo omnia quadrupedia et bestie terrę ac volatilia
cœli continebantur, quatuor funiculis Euangeliorū
Christi adligatum de cœloq; in terram demissum, quā
visione Christus principi Ecclesię manifestare digna-
tus est, nullum hominem immundum dici debere, qui
timuerit Deum et operatus fuerit iustitiam atq; in
hoc linteo fidei Christi contentus fuerit, indissolubili-
busq; funibus Euangeliorum colligatus, Ego itaq; mi-
doctę Presul, qui nunc Leopoli diuersor ac Cathedrę
dominicę indignus presum, velut Ierosolimis, inter
tot nationes ac ritus dispares, volens potius videre vnu
Eccl. 17. ouile ac vnum pastorem, mandatumq; quod Deus præ-
cipit vnicuiq; de proximo suo quoquomodo implere.
Adij nuper quēdam hominem Martinum seu Christi-
colam professione, genere vero Armenum vartanum
cognomenē, virum sane religiosum religionis dñi An-
tonij Egiptij iuitatorem, ac sacrosancti sepulchri do-
minici mi-

minici militem, cum eoq; aliquoties de rebus fidei &
presertim de ianua sacramentorum conferens, omnia
exacte pro Christianæ fidei unitate responsa esse audi-
ui, neq; ego ibi tum quippiam illorum comentorū quæ
affingere solet illis imperitum vulgus in serijs interroga-
tionibus imo & obtestationibus deprehendi, sed illam
ueram ac genuinam confessionem triadis, & unius pa-
trifamilias in Ecclesia Dei præsentiam, à quo inquit
Catholicus noster accepit potestatem & auctoritatem
Sacrosanctorum clauum, præsertim à Syluestro &
successoribus usq; ad eum qui cœlibatum ac glabram
faciem fieri persuasit, & persuadendo constituit, quæ
constitutio seu persuasio unitatem Ecclesiæ minime sol-
uere debuisset, præsertim cum unitas Ecclesiæ est de iu-
re Diuino, illa aut persuasio de iure positiuo, consule-
re enim possumus cum Apostolo uirginitatem, at di-
strictim præcipere non est iuris Diuini sed humani cō-
siliij, eosq; duntaxat obligat illa sancta persuasio qui li-
bere manus dederunt ac subscripserunt illi, quibus iā
resilire non licet sine graui offendiculo persuasionis se-
mel placite & approbatæ, istis uero quibus intollera-
bilis uisa est persuasio præhonorantes occidentales cœ-
libes, coniugalem castitatem ut tutiorem non tamen li-
beriorem sponte amplexati sunt, unitatem fidei uō ta-
men rituum paritatem adinuicem professi sunt, sed
malicia temporum, negligentiamq; capitum, concili-
orum uniuersalium raritas, contemptum cepit primū
perere mutuum, bellorumq; ac captiuitatum inuale-
scens, de

ſcientia, deinde ex uiciſſitudinario contemptu ſuppreſſa
latuit diſceſſio, poſt diſceſſionem ſine cauſa capitali
unitatis diſruptio, talis tamen quæ eſſentialia fidei in
integritate unitatis conſeruat, uiolatis quodammodo
his quæ ad cognoscendum naturam rei non nihil con
ducunt. Ego uero uidens ac ſepe cum Vartano collo
quens Armenorum, ad Eccleſiam Romanam proximi
orem obedientiam pluſq̃ uel Græcorum qui ſepe bicipi
tem habuerunt Eccleſiam, uel modernorum hæretico
rum qui acephalam nituntur uidere congregationem,
peccij eundem, ut ſi cōmode fieri poſſet mihi formam
Armenici baptiſmatis copiam faceret, ille ut uir uere
religioſus ac ueridicus ſine deliberatione annuit, ſubiū
gens, ſi inquit quippiam noſtrum baptiſma falſitatis
aut heretiſis, in ſe contineret, ne uerbum quidem exiret
in lucem, uerum quia confeſſionem ueræ fidei, & Ca
tholicæ Eccleſiæ conſenſum retinet, nedum tibi ſed &
ſummis ueſtris Pontificibus Romanis auſim intrepida
duſ offerre, à quibus hæc ſunt uel dictata, uel ſancta
autoritate accedente approbata, ſicq̃; eo interpretan
te in linguam latinam excipiebam, malui autem uerbū
uerbo reddere, quam ſi ſenſui dumtaxat obtemperan
do ſimplex uerbum ueritatis ſuco (ut fit) orationis ad
dulterare. Tuum igitur erit mi poſtulate à Deo Pon
tifex, cū tu & noſtræ Leopoliſ inuictus patronus exi
ſtis, & Armenorum ſingularis obſeruator, in huius
modi rebus fidei ea apud ſummum pontificem ſuggere
re, quæ illam priſtinam patrum unitatem ſpirarent i
la uera.

la nero quæ optate unitati tot sæculis sint aduersa res
secare, Tu enim doctrina, Tu autoritate atq; cordata
præsentia ceteris præstas, tibi nedum autoritas in agre
diēdis, aut sapiētia in agēdis, uerū & facultas in adse=
quēdis præsto est. Te unū nobis post illū Petrū Tomiciū
uelut quādā lucētē tedā quoddā fatum diuinū reliquit,
adsunt etiam quotidie lateri tuo uiri doctissimi quos
foues unicūq; obseruas, præsertim Stanislaus ille Hosi=
us uir mire humanitatis, in quo sibi docta humanitas
facile domicilium elegit, cuius consilio tantum fidei
negotium cum magna omnium admiratione effica. iter
absolues. Te nobis illa parens tua pudicissima Anna
Samuelem non solum nomine persimilis, uerum magis
re ipsa à Deo ubertim postulando obtinuit, qui addi=
tus Tomicio uelut altero Eli eosdem titulos quos ille
uirtute meruerat, uoluntate Dei, uirtutis ac doctrinæ I Reg. x.
patrocinio, gratiaq; principis adsecutus es. Et quem=
admodum Samuel uniuerso Israeli non solum determi=
nata tribui necessarius fuit, sic & tu nedum Płocko=
uio uerum & Armenis quos Sarmatia à quadringen=
tis annis sub alas aquille suscepit benigniter, cōmodus
esse uelis, unitatemq; hanc Ecclesiæ quam à tot sæculis
miseri postulant per te postulatū à Deo obtineant,
maximum etiam adiumentum huic tam sancto pro=
posito præstabit & Reuerendissimus Antistes noster
Leopolien. Petrus Starzechowski cuius autoritate
uerentur ac sufficiant, inculpatamq; uitam intuentes
glorificant patrem coelestem, ob hoc sacrum illius ue=
merantur

nerantur ceterasq; cæremias unice observant, non alie-
 ter quam uel si ab eorū Catholico obitæ forent. Que-
 res magnam uim certe si Apostolo credimus habet ad
 x Tim. 3 faciendam unitatem & persuadendi copiam, cum is
 qui præest gregi dominico bonum testimonium habet
 etiam ab his qui foris sunt, quale te etiam habere hij
 qui i extra stabulum Ecclesiæ iudicantur esse Armeni,
 palam testantur, cum te in omnibus negocijs seculari-
 bus apud Serenissimum Principem benignum experitū
 tur patronum, nunc etiam in hac re animarum suarū
 longe grauiori gratiosum sentiant una cum Petro Ar-
 chipræsule eorum coapostolum atq; hactenus dissutæ
 unitatis Ecclesiasticæ pium reformatorem, uerum ut
 id quod tantis suspirijs exoptant facilius adsequi possis
 hunc baptismi Armenici processum non graueris
 per ocium prælegendo in tuo docto iudicio con-
 ferre dextramq; subleuantem collapsæ ple-
 bi Armenicæ porrigere uelis, Chri-
 stus aut dominus cuius officiū
 geris in ouili suo uigila-
 ter, te nobis seruet diu
 incolumē fœlicita-
 teq; Christi
 aua fœli-
 cem.

Leopoli Rusiæ Idibus Se-
 ptembris Anno Domi-
 ni. 1 5 4 4.

PROCES

SVS ARMENICI BAPTISMATIS
SIC EXORDITVR.

IMPRIMIS ADVERT OBSTETRIX
infantem fascijs inuolutum, uel si senio confecta fu
erit, tum femina uegetior quo adlato ante fores Eccle
siae stat baiulans infantem. Patrinus tandem solus adue
nit testis fidei futurus (nam feminae apud eos testes
baptismi esse non admituntur) Sacerdos aut sacris uesti
bas indutus exit ante fores Ecclesiae, illicq; sacerdos por
rigit patrino bombicem, simulq; inter digittos rotantes
parant filum bombinaceum longitudinis trium cubito
rum, Deinde cum duobus filis serici rubri complicant
hunc psalmum interim ter à Sacerdote & ministro al
ternatim psalente.

Sacer. Domine non est exaltatum cor
meum neq; elati sunt oculi mei Mi. Neq;
ambulavi in magnis neq; in mirabilibus
super me Sa. Si non humiliter sentiebam
sed exaltaui animam meam Mi. Sicut
ablactatus est super matre sua, ita retribu
tio in anima mea Sa. Speret israel in
domino ex hoc nunc & usq; in seculum
Sa. Gloria patri & filio & spiritui sancto
Mi. Sicut erat in principio &c.

Hæc caremonia licet corticetenus quippiam superstiti
onis quid

tionis (quia non nitebatur uerbo Dei) mihi cum tina-
tione intereram uisa est habere, nam Sacerdotem &
patrinum uelut quosdam funifices inspexi, uerum cum
rogabam à Vartano usum funiculi qui in fine dicitur
desij mirarier,

Finito psalmo sic Sacerdos ad Deū propicio orat.

Oremus

Domine Deus noster Deus summe boni-
tatis, qui genus humanum a te elongatū,
collapsū & abiectū, a paradisi delicijs
segregatū, noluisti tamen illud desere-
re, sed gratia tua immensa inclinatus es
de altitudine maiestatis tuę ad nos colla-
psos in peccatum, & suscepisti integre
carnem sine peccato, passione & morte
turpissima crucis saluationem nostrā re-
dimendo operatus es, rursūq; misertus
sic perditō generi humano donasti uitam
æternam. Suscipe nūc domine Deus sum-
mę bonitatis qui bene uis creaturę tuę,
qui se inclinant ad sanctam & præcastam
veramq; ac vnā diuinitatem tuam, vo-
luntq; nominari Christiani, da uirtutem
huic puero perueniendi ad sanctum fon-
tem tuum ut esset castę uitę, & heredita-
ret in regno cœlorū in Christo Iesu dño
nostro cui cum patre et spiritu sancto digna
est laus & gloria nūc & in perpetuū amē.

Finita hac oratione orat Sacerdos psalmos duos alternatim cum ministro.

Sacer. Ad te domine leuavi animā meā *psal. 24.*
Deus meus in te confido non erubescam
Mi. Neq; irrideant me inimici mei
etenim vniuersi qui sustinent te non confundentur.

Et sic usq; ad finem psalmi Deinde Sacerdos alium psalmum xxv incipit.

Sacer. Iudica me domine quoniam ego
in innocentia mea ingressus sum & in domino sperans non infirmabor Mi. Proba
me domine & tenta me renes meos
& cor meum &c.

Psalmis finitis minister clara voce hortatur populum
adstantem, ut orarent pro puero,

Minister

In pace ac humilitate rogate Deum amatorem hominis ut misericors sit misericordia sua magna, & faciat eum dignum generari secunda generatione & indui vestibus quæ non putrescunt neq; veterascunt & ut eum Deus in numerum electorum & credentium adscriberet, & consociaret in nomine suo sancto, & ut eum adiuuet dono suæ gratiæ omnipotens Deus noster misericors,

Deinde Sacerdos ter cum ministro dicit Kyrieleyson
Christeleyson Kyrieleyson.

Exorcismus primus

Oremus

Suscipe domine Deus amator hominis oblationem hanc non baptisatam, emundatq; cor & mentem huius hominis ab omnibus astutijs aduersarij nostri, & fac eum dignum per hunc fontem mundationis vetustatem Ade deponere, & renouari luce et dono Christi ut ipse nobiscum simul daret gloriam patri & filio & spiritui sancto in eternum Amen.

Minister ad populum conuersus dicit.

Rogemus patres dilectissimi dominum Deum pro salute & remissione peccatorum & ut descendat super hunc puerum gratia domini nostri omnipotentis.

Exorcismus secundus

Domine Deus magne & gloriose in omni creatura tua. in tuo terribili ac potenti nomine habes fiduciam iste seruus tuus inclinauit caput suum ante nomen tuum sanctum cui inflectuntur omnes coelestes virtutes terrenae ac inferorum & omnes linguae fatentur quia dominus Iesus Christus est in gloria Dei patris Ideo
huius

huius terribilis & omnipotentis nominis
tui suscipiat partem iste seruus tuus,
ut recedat ab eo omnis fallacia dyaboli,
& error idolatriæ & omnes laquei sathanae.
Respice domine gratia tua super hunc
seruum tuum repellere ab eo omnes euentus
qui possunt eum superare aut impedire
ab inuocatione nominis tui sancti, ut non
impedirent opus eius, & omnes insidias
inimici quibus ille assuevit fallere & per-
dere malus demon ab eo remoue, ut ipse
sathan terrefactus nomine tuo sancto tri-
stetur & maceretur inuisibili pena exorci-
sando & precipiendo ac remouendo ab
eo ut nunquam ad eum appropinquet,
Infunde in eum coeleste donum & exhi-
lara eum super magno nomine tuo vocando eum
Christianum & fac eum dignum hac tinctione
secundæ regeneratiõis, ut suscipiat spiritum
sanctum, sitque corpus & membrum Eccle-
siæ suæ, seruiatque Deo, bono Christianismo,
& perueniat ad parata bona, cum omnibus
sanctis & amatoribus nominis tui, glori-
ficando & laudando impermutabile re-
gnum tuum cum patre & spiritu sancto Amen
Hucusque; anus stat cum infante exorcisato à sacerdote,
finitisque; exorcismis, ponit obstetrix puerum in terram
B cunis ob

canis obuolutum, & abit domum. Tum cōpater mox
de terra leuat puerum, & vertit se ad occidentem so-
lem, tenens puerum in vlnis, Sacerdosq; ter interro-
gat patrinum.

Cathecismus Primus.

**An abrenunciat sathanæ & omnibus fal-
lacijs & gressibus eius ac angelis eius. &**
Patrinus autem ter interrogatus in tertia persona re-
spondit.

Abrenunciat.

Tunc patrinus conuertit se cum puero & sacerdote
ad orientem solem, & dantur compatri due candelæ
incense in manus utraq; Interrogatq; compatrē ter.

Cathecismus Secundus.

**An credit sanctissimam Trinitatem Pa-
trem & filium & spiritum sanctum &**
Respondet compater ter

Credit.

Cathecismus Tercius.

**An credit Anunciationem Gabrielis ar-
changelī, natiuitatē filiī Dei, passionem,
sepulturam & tertia die resurrectionem
ac ascensionem &**

Respondet compater semel

Credit.

Hic iam finitis Cathecismis atq; Exorcismis, mini-
ster Ecclesiæ occludit fores templi, & Sacerdos ante
clausum ostium orat Psalmū 117. alternatim cū mini-
Sa. Confitemini domino quoniam bonū
quoniam in seculum misericordiā eius.
Mi, Dicat nunc domus Israel quoniā bo-

16
nus, quoniam in seculū misericordia eius
Sacerdos autem inter psallendum dum peruenit ad ver-
sum illum

Aperite mihi portas iustitiæ Ingressus in
eas confitebor domino hæc porta domini
iusti intrabunt in eam,

Hic mox aperitur ad vocem Sacerdotis templum pua-
erq; cum compatre intrāt Ecclesiam & psalmum præ-
dictum continuant vsq; ad fontem, tandem Sacerdos
orat ad Deum orationem super sanctum Christum

Oremus

Valde laudabilis es domine Deus noster
qui elegisti sibi populū sanctū in sacerdoti-
um, ad regnumq; genus sanctum, & po-
pulum acquisitionis ad hereditatem, si-
cut in principio vnixisti oleo sancto Sacer-
dotes, prophetas, reges, ita & nūc hoc sa-
cro sancto oleo, rogamus te domine Deus
summe bonitatis, demitte donū spiritus
sancti super hunc oleum, ut quicumq; eo
vnctus fuerit, sit ei in sanctificationem &
emundationem spiritalis mentis, contra
aduersitates & potestatem aduersarij, ut
sit fortis tenere & seruare præcepta tua bo-
no opere, & impleat illa & laboret, fati-
getq; se in seruitio tuo, ut sit illuminatus
mente casta in hoc mundo ad defendendū

B ij dam

dam animam suam, ad gloriam & laudem
sanctissimæ trinitatis, & ut sit vnct⁹, sitq;
idoneus peruenire ad hereditatē eorum,
qui amāt nomen domini nostri Iesu Chri
sti, & in eodem nomine dare gloriam &
laudem patri omnipotenti simul cum vi
uificante & saluante spiritu sancto Amen
*Hic Sacerdos, finita hac oratione, fundit aquam secū
dum qualitatem temporis in fontem, sicq; eam conse
crat, Imprimis dicit Psalmum 28.*

Sa. Afferte domino filij Dei, afferte do
mino filios arietum

Et solus Sacerdos dicēs hunc psalmū fundit aquā dicēs
Vox domini super aquas

*Donec psalmum integre compleuerit, tandem Sacer
dos legit Prophetiam Ezechielis ex ca. 36 desumptum*
**Hæc dicit dominus Deus, Effundā sup
vos aquā mūdā & mūdabimini ab oībus
inquinamētis uestris, & ab vniuersis ido
lis vestris mūdabo vos, & dabo vobis cor
nouum & spiritum nouum ponā in me
dio vestri vsq; ad eum locum Propheciae. Et eri
tis mihi in populum & ego ero vobis in
Deum, & saluabo vos ex vniuersis inqui
namētis vestris, dicit dominus omnipo.
Postea minister legit epistolam diui Pauli ad Gala. 3.
Priusq; veniret fides sub lege custodieba
mur con**

mur concludi in eam fidem quæ reuelan/
da erat. Itaq; lex pedagogus noster fuit in
Christo ut ex fide iustificemur, At ubi ve
nit fides iam non sumus. sub pedagogo
omnes enim filij dei estis per fidem quæ
est in Christo Iesu, Quicūq; enī in Chri/
sto baptisati estis Christum induistis, non
est Iudeus neq; Græcus, nō est seruus ne/
q; liber, nō est masculus neq; fæmina, sed
omnes vos vnum estis in Christo Iesu
vsq; ad eum locum Pauli Secundum promissio/
nem heredes in Christo Iesu dño nostro.
*Finita epistola dicit Sacerdos ter Alleluia alleluia alle
luia, deinde orat psalmum 22.*

Sacer. Dominus regit me, & nihil mihi de
erit, in loco pascue ibi me collocauit
Mi. Super aquā refectionis, educauit me
animam meam conuertit &c.

Tandem Sacerdos legit Euangelium secūdū Ioannē 3.
Erat homo ex phariseis Nicodemus no/
mine princeps Iudeorum &c. vsq; ad eū lo/
cum Sic est omnis qui natus est ex spiritu
Tandem minister hortatur populum ad orandum.

Minister

Rogate fratres dilectissimi pacem de altissimis

Populus respondit Domine misere.

Rogate pacem omni mundo & firmitatem Ecclesijs
sanctis, Domine miserere.

Rogate pro Episcopo nostro & pro salute animæ eius
 ut eum conseruet Deus à malo, Domine miserere.
 Rogate pro sancta Corona coronati Regis nostri Si-
 gismundi. Domine miserere.
 Rogate ut opus hoc baptismi in bonum conuertat &
 sacerdotem baptizantem adiuuet, Domine miserere.
 Rogate ut hæc aqua sit sanctificata ad creationem spi-
 ritus sancti, Domine miserere.
 Rogate ut dei Deus huic aquæ vim regenerationis im-
 cut dedit aquis Iordani, Domine miserere.
 Rogate ut de altissimis genetur & sit iste puer filius
 lucis & ueritatis, Domine miserere.
 Rogate per inuocationem & commemorationem &
 intercessionem Deipare præcastæ virginis Mariæ &
 sancti Ioannis baptistæ & omnium sanctorum Amen.

Appendix autoris

En mi Samuel uetustissima Ecclesia Armenorum à s.
 Bartholomeo Apostolo conuersa Inuocationem, com-
 memorationem, ac intercessionem sanctorum debita cum
 ueneratione retinet, aduersum modernos uigilantiam
 heresis suscitatores lutheranos, qui sanctorum celesti-
 um cætum sine sensu ac motu etiã contra Philosophos
 post mortem impudenter asserunt. Surgent itaq; sim-
 plices Armeni in iudicio & condemnabunt generati-
 onem hanc blasphemantem duodecim iudices tribus In-
 srael, sed ad propositum redeamus.

Finita letania Sacerdos consecrat fontem aquæ,

Oremus

Tu domine potestate tua creasti mare &

aridam, & omnia quæ in eis sunt, segre-
gasti autem & posuisti aquam super coe-
los in habitaculū perlucidarū virtutū
tuarum, qui incessanter laudant te, misi-
stique sanctos Apostolos tuos, dādo eis vir-
tutem prædicādi & baptizandi In nomi-
ne patris & filij & spiritus sancti omnes
infideles, & cōstituiisti vero verbo tuo ut
quicūq; se non regenerauerint ex aqua &
spiritu sancto non possunt introire in re-
gnū tuum domine, hæc verba pertinū
it seruus iste tuus & venit voluntate ad a-
blutionem spiritualem aqua ista. Rogo
te domine demitte spiritum sanctum sup
aquam istam & sanctifica eam sicut san-
ctificasti fluenta Iordanis descendēdo in
ea. Domine mundissime & sine peccato
Iesu Christe, qui dedisti exemplum per
hanc secundam generationem nobis om-
nibus hominibus, da etiam per hanc aquā
huic qui se baptizat nunc remissionē pec-
catorum accipere, & spiritum sanctū su-
scipere, ac esse heres coelestis regni utq; sit
mundatus a peccatis, ut complaceat vo-
luntati tuæ in hoc mundo & post mortē
sine corruptione ac sine diminutione bo-
nitatem tuam suscipiat & in hilaritate ma-

B iij nēs sem

neñs semper daret gloriam & laudē Deo
patri & filio & spiritui sancto Amen.

Finita oratione accipit Sacerdos crucem cuiuscunq;
mineræ & immergens fontiter & dicens ter Alleluia
cum oratione Sancti ✠ scietur mun ✠ dificetur
aqua ✠ ista In nomine patris ✠ & filij ✠ & spiritus
sancti ✠ Amen.

Et repetit ter Alleluia. Et hic sacerdos infundit Chris-
ma in aquam, puerq; cum hic denudatur talemq; ora-
cionem sacerdos dicit, Oremus

Quia tu domine vocasti seruum tuū ad
mundationem & tinctionem, fac eū di-
gnum suscipere donū tuū & deduc eum
isto baptismo ab antiquo peccato, & in-
noua eum noua vita, infundeq; ei virtu-
tem spiritus sancti in renouationē glorię
Christi tui, quia tibi vno summæ bonita-
tis Deo digna est gloria in eternum Amē
Hic abiciuntur fasciæ ueteres, in quibus adlatus erat
puer, sicq; accepto puero nudo interrogat sacerdos
Compatriem Quo nomine puer sit baptisandus, Com-
pater respondet uoluntatem parentum, uel arbitrio
sacerdotis committit secundum quod fors aliquod fe-
stum tulerit, Postea sacerdos accipit puerum nudum
per manus & pedes instar agni dorso in aquam eum
mergit, emisissq; ē manu pedibus infantis manu dextra
ter fundit aquam in caput infantis adiungens hęc for-
mā uerborū in tertia persona more Græco prolatorū.

Armenice forma baptismi.

Megerdi ouannes anunhor yeff vorto
yeff surphoknyn amon.

Latine sic

Baptizatur Ioannes in nomine patris &
filij & spiritus sancti Amen.

Hæc forma eadem est cum Græcis, hoc solum pro di-
ferentia vartanus dixit fore, quia à patribus habent
uetitum inter personas diuinas Amen non interponere
sed quasi vno spiritu coniunctim efferre. Cum autem
causam quererem, cur sub tertia persona formā pro-
ferunt, non aut sub prima. Respondit vartanus q. Grā-
matica prelatio Deum trinū & vnū sub hac forma nō
uariat, nisi apud gentes qui pluralitate Deorū gaude-
bant, ac etiam baptismum attribumus spiritui sancto,
qui vbi vult spirat, iste itaq; est (inquit) qui baptizat
& sacerdos uelut minister ac instrumentum est spiri-
tus sancti similiter & Iesu Christi mandantis, cum ista
opera Triadis sint indiuisa.

Apendix Authoris

Eccc Beatissime Præsul, ego & ille frigidiora, quam
meum & tuum pronomina, quantas turbas Ecclesie
Dei pepererunt cum orientales Deo autori, sanctifica-
tionem per fidei unctionem tribuunt, iuxta illud (le-
uitici 20) omnipotentis uerbum. Ego dominus qui
sanctifico. Et occidentales ministro potentiam sancti-
ficandi per uerbum Dei Deum dedisse affirmant, sicut
& Moysi ministro consecrationis Episcopalis à domi-

no dictum est Exo. 19 Vade ad populum & sanctifi-
ca illos & iterum sanctificabis Aaron ut fungatur sa-
cerdotio mihi, & iterum Deus dedit talem potestatem
hominibus scilicet dimittendi peccata exteriori sacra-
mento cum uerborum prolatione, Dominus autem o-
perator & sanctificat inuisibili gratia per ministrum
uelut instrumentum, tamen utroque; salus credentium
& dispensatio Ecclesiasticae disciplinae hac inuocatio
ne & concessione Trinitatis perficitur, Sed hanc litteram
autoritati Ecclesiae discutiendam committamus, nos
reliquam Armenici baptismi ceremoniam prosequamur

Fusa sic ter aqua in caput pueri cum prolatoe tri-
adis, postea mergit totum puerum & dicit ter abluendo eum
Emptus es sanguine Christi a seruitute
peccatorum, & susceptus in libertinum & he-
reditatem patris coelestis & iam eris cohe-
res Christi & domus spiritus sancti
Quicumque enim in Christo baptisati estis,
Christum induistis Alleluia, & qui a pa-
tre illuminati estis a spiritu sancto eritis
consolati Alleluia

Postea Sacerdos legit Euangelium Iohannis 3.

Venit Iesus a Gallilea in Iordanem ad Io-
annem ut baptisaretur ab eo usque; dum uenit
ad locum Euangelij Baptisatus autem Iesus
confestim ascendit de aqua

Hic leuat sacerdos puerum a fonte & porrigit eum pan-
trino, ipse uero continuat Euangelium usque; ibi

Hic est filius meus dilectus, in quo mihi
bene complacitum est

*Finito Euangelio singuli orant dominicam orationē,
Postea sacerdos sic orat.*

Oremus

Quia illuminasti creaturam tuam o Chri-
ste Deus noster dando lucem intelligen-
tiæ diuinitatis tuæ animabus nostris, &
quia saluasti hunc I. & mundaſti eum fe-
cistiq; eum dignum dando ei partem he-
reditatis tuæ, Dona etiam ei communio-
nem sanctorum, & semper immaculatū
manere, ut mereatur associari iustis tuis,
& in numerum sanctorum tuorum ascri-
bi, per dominum nostrum Iesum Chri-
sti, cui sit digna laus & gloria cū Deo patre
& spiritu sancto Amen.

Deinde sacerdos ad plebem conuersus, dicit

Pax vobis, Inclinate capita uestra Deo.

Apendix autoris

Hoc loco ad vocem sacerdotis, Doctissime Præsul, om-
nes lingunt terram, hoc ideo hic adscribere uolui, ad
nostrorum superbiam retundendam, qui uix toties per
sacerdotes moniti, caput aperiunt, aut genua integre
incuruant, præsertim cum sacrosancta liturgia, tremē
daq; misteria omni creaturæ peraguntur, Deinde sic
sacerdos orat

Oremus

Deus omnipotēs qui es sine fine gloriosus

& oīa secreta cordiū nouisti, & tu es vñ⁹
& solus sanctus & in sanctis requiescens
saluator omniū hominum, qui donas sci
entiam tuam in veritate, & das nobis li
bertatem ut efficiamur filij Dei. per hanc
generationem, qua sumus regenerati ex
aqua & spiritu, Sicut etiā renouasti hanc
oblationem Io. delēdo hac tinctiōe pec
cata illius, fac eum mundum per tuam
iustitiam, & infunde in eum virtutem spi
ritus sancti, ut sit domus diuinitatis tuæ,
possitq; ambulare in omnes vias iustitiæ,
stareq; in conspectu vnigeniti filij tui, vn
de tibi Deo patri omnipotenti & viuifica
tori & saluificatori spiritui sancto sit glo
ria in eternum Amen.

*Hic iam fit vnctio pueri cum Chrismate per Episcopū
si adest, uel per presbiterum si Episcopus abest,*

Apendix auctoris

Ex hac cæremonia Beatissime Antistes magnam reue
rentiam ueterum Episcoporum in Ecclesia Dei colligo,
nam apud eos non potest simplex sacerdos ungere pue
rum in aliqua parte corporis sine speciali admissione
Episcopi, si est præsens, non solum in templo, sed etiā
in eadem ciuitate, in tanta enim nedum autoritate ue
rum & reuerentia habent Episcopos, hoc autem ex
ueteribus patrum dogmatibus eos habere cōstat, Nam

Ignatius ille Deipara uirginis singularis cultor, de Ie-
su Christi martir, Antistesq; Antiochenus in ordine
post Petrum secundus, Ita ad Trallianos Asiae popu-
los scriptum reliquit, Necessarium (inquit) est uos ni-
hil preter Episcopum facere, sed neq; aliquid agere,
Sed ueneramini Episcopum uestrum sicut Christum,
secundum quod uobis beati apostoli praeceperunt, qui
autem ei inobediens fuerit, hic sine Deo omnino crit
& impius & contemnens Christum, & ordinationem
ipsius minorans, & alia plura ibi latius commemorat
ad quem tam uetustae Ecclesiae Episcopum & Marti-
rem remitto omnes illos qui auctoritati Pontificali de-
trahunt, famosiq; libellis afficiunt atq; sugillant, cum
apertum Dei uerbum habeamus de obedientia discho-
lis praesidiis, uel potius pro talibus orandum sit, ut
eis daret Deus mentem sanam, & regimen apostolicum
aut quo auferret eos ab oculi suo, Errant itaq; omnes
illi atq; grauiter peccant, qui capita Ecclesiae detur-
pant atq; inuectiuis Pasquiliacis conspurcare audent,
Contra quos in iudicio surget simplicitas Armenorum
in simplicitate graui pontifices a Deo datos siue bonos
siue discholos honorantium. Dum autem hoc baptismum
latinitati donabam, carebant tunc Armeni Leopolicum
Episcopo ob antiquitatem per mortem absumpto. Pro-
inde sic sacerdos ungebat Chrismate singula membra
pollice & primo in fronte cum his uerbis
Oleum sanctum fundo in te in nomine
Iesu signum ✠ Dei & coeleste donum po-
no in te

no in te In nomine patris & filij & spiritus sancti Amen.

Deinde oculos

Signum ✠ in nomine Iesu illuminet oculos tuos ne vnquā obdormiant in morte.

Postea aures

Sit tibi hoc signum ✠ in auscultationem præceptorum Dei. in nomine patris &c.

Deinde nares

Signum ✠ Christi sit tibi in odoratū suauitatis de hac vita in illam eternam, in nomine patris & filij &c.

Tandem os pueri linat dicens

Signum ✠ hoc sit tibi clausura fortis labijs tuis, & causa salutis ac boni operis, in nomine patris & filij &c.

Deinde ventrem

Signum ✠ Dei firmet te & spiritum veritatis innouet in visceribus tuis in nomine patris & filij & spiritus sancti.

Postea scapulas

Sit tibi hoc signum ✠ armatura fortitudinis ut ea possis omnia tela ignita nequitie extinguere in nomine patris &c.

Tandem conuexum pedum linat

Signum ✠ Dei dirrigat gressus pedū tuorum ad regnū cœleste in nomine pat. &c.

Finis

Finita unctione salutat sacerdos puerum dicens
Pax tibi saluate & conseruate a Deo.

Hucusq; fit puer nudus postea induitur per sacerdotē
in uestem cuculatam à uertice capitis usq; ad plantam
pedis protensam, In cuculo aut sunt quinq; cruces in
memoriam quinq; plagarum Christi, Deinde sacerdos
accipit illum funiculum bombinaceum ac sericeum quē
in principio cum compatre parauerat, scinditq; eum
in tres partes aequales. Prima parte funiculi colligat
cuculam desuper ad caput pueri ne cuculus deponere
tur. Secunda parte funiculi ligat cuculam ad colum
appendendo prius in filo cruciculam de quacunq; mine
ra (pauperiores de cera faciant) Tertia parte funicu
li precingitur puer, Iste funiculus triplex Trinitatem
benedictam designat Secundo etiam designat Diuinita
tem iunctam humanitati uelut sericum cum bombice.
Tertio necessitatē ostendit propter reuerentiam Chri
smatis ne cucula illa ex puero decadat, sicq; induto ac
ligato puero sacerdos orat

Oremus

Benedictus es domine Deus summe bo
nitatis, qui induisti seruum tuum vesti
mento protectionis, & tunica gaudiij, co
ronaq; gratiæ tuæ posuisti in caput huius
Io. Armisq; inexpugnabilibus cōtra ad
uersariū vestiuiisti, ob hoc nos tibi dam⁹
gloriam & honorem patri & filio & spir.
Postea sacerdos accepto puero à compatre ascendit

ad altare Dei si ibi est sacrificium & inclinā. se se cū
puero ter, figit osculum altari, Si aut non peragitur
sacrum, tunc uersus ciborium se inclinat & osculatur
altare & ab altari redit ad fontem iterum, & facta
inclinatione etiam osculatur fontem, restituitq; puerū
compatri & orat super populum & puerum

Oremus

Domine Deus omnipotens pater domini
nostri Iesu Christi, tibi omnes fideles in-
clinauerunt capita sua, Impone inuisibi-
lem manum tuam in eos & sanctifica eos
& opus manuum eorum adiuna & qui
sunt in puritate cōfirma eos omnesq; cre-
dentes corrobora, ut habeant patientiam
ad omnia seruitia Dei, conseruesq; hunc
puerum Io. in pace, fouendo eum ad iu-
stam crescentiam illius. Circumda etiam
ac protege eos in omnibus eorum habi-
tationibus, ut sint hilares laudantes domi-
num nostrum Iesum Christum ut tibi pa-
tri sanctoq; flammī sit honor & gloria in
perpetuum Amen.

Postea sacerdos secundo uadit ad altare, & si sacra-
dos alter missat, facit crucem pollice in ore pueri, si
aut non missat tunc ē ciborio accepto fragmento sa-
cræ hostiæ facit crucem ad os pueri & tandē dat pue-
rum compatri, & compater stans cum puero in medio

Ecclesie

1
Ecclesia salutatur & osculatur cum puero ab omni
Ecclesia puer ad cuculam capitis, compater ad hume-
rum, in osculo sancto, multaq; fit ibi puero contri-
butio aut inligatio plusq; more nostro, nam compa-
ter cruciculam puero donat ad colum ex auro uel ar-
gento, aut aureū uel quippiam aliud pro facultate,
& sacerdoti pro labore impertit elemosinam largi-
ter, his peractis compater restituit puerum obstetri-
ci, & mox Sacerdos & compater cum populo comi-
tantur puerū ad domū patris, & inter eundem sacer-
dos orat Psal. 31.

Beati quorū remisse sunt iniquitates &
quorum operata sunt peccata vsq; ad finem.
Postea in domo po. recto puero patri seumatri orat
sacerdos pro omni populo Christiano

Oremus

Gloria tibi sit rex eterne quoniam multi-
plicas & repleas Ecclesiam tuā sanctā cla-
ritate fidei sine nūero eos quos defendis
per uerā cognitionem diuinitatis tuā, sed
o domine Iesu Christe. sicut spiritali re-
generatione fecisti nos dignos hæredita-
tis tuæ, ac etiam fecisti idoneos suscipe-
re corpus & sanguinē unigeniti filij tui,
Ideo præserua eos ut castitate conserua-
rent in se spiritū sanctū, facerētq; sine pec-
cato voluntatem tuam & ut sine macu-
la possint

la possint peruenire ad uitam eternam, et
nos omnes qui sumus in presentiarū be-
nedic ✠ dono misericordiæ tuæ & tibi sal-
uator noster Iesu Christe gloria sit cū pa-
tre & spiritu sancto nūc in perpetuū amē
Hic sacerdos docet obstetricem ac parces pueri ne in-
fantē ex illo cuculo deduerēt usq; ad octauum diem
propter Christinatis reuerētiam, uerum hæc constitua-
tio temperata est ad triduum, propter infantū sine lō-
tione infirmittates, sic sic humane constitutiones sunt
durabiles, Tercio autē die, sacerdos aduocatur &
deduit puerum de cucula orando sequētem orationē.

Oremus

Domine Deus qui baptifasti & illumina-
sti seruū tuū Io. & dedisti ei sanctifica-
tionem tuam, da ut firmiter maneat in
hac sanctificatione & emunda eū tuo lū-
mine Diuino, & conserua eum firmiter
in dono tuo quod ei tribuisti, Repelle ab
eo omnes errores & aduersarij tentatiōes,
& remoue ab eo ut nihil faciat contra le-
gem tuam, atq; lucida cognitione sit in p̄-
ceptis tuis & vera cōuersatiōe perueniat
a d̄promissam tuā pacē, Angelum pacis
d̄nē demitte ei, ut veniens custodiat eū ab
omnibus tentationibus, & nos indignos
famulos tuos effice dignos, ut essemus i-
donei

donei expectare secundum aduentum vni-
geniti filij tui domini nostri Iesu Christi.
tibiꝑ Deo patri simul cum sancto spiritu
damus gloriam nunc & in ppetuū Amē

Apendix auctoris

Consideret hic factio lutherana quantis ceremonijs re-
ferta sit Ecclesia armenorū, quas ita obseruant ac ve-
nerantur ut uel prius mori malint, quam uel unam ex
his obmittere, In ne. essitate tamē omnes hij cathecismi
& exorcismi alijꝑ ritus obmittuntur, ad solam dun-
taxat tinctionem fit processus, quæ est præcepta ore
Dei immutabili,

Apendix auctoris

Licet aut iam hic mi Samuel, finem libelli facere cum
sine baptismatis Armenici, animus erat, Tamen &
ea quæ consequuntur baptismum adicere pulchrū pu-
taui, quo cōpletam ceremoniam in antecedentibus &
cōsequētib; baptisma eorū, latine haberemus, proin-
de & purificationem seu introductionē mulieris post
partum, una cum puero baptizato, trāsferre uolui,
ut modernorum hereticorū peruatiam quam etiā
in hac postrema ceremonia pertinaciter exhibent, ali-
enis armis refelleremus, Nam si ab hiis (ut placet Da-
masceno) qui foris sunt, hoc est agentibus qui sunt ex-
tra Ecclesiam, utile quid fructificare poterimus, non
abiciendum est, purum & naturale aurum coaceruan-
do, contaminatum autem refutando, & addit idem
Græcus Doctor, assumamus sermones optimos philo-

sophiæ, Deos aut gentium derisibiles, & fabulas alienas canibus proiciamus, plurimam enim ex ipsis aduersus gentes fortitudinem habere poterimus, quanto magis ab his qui recognoscunt unum pestorem Christum, & unam Causam Catholicam, accipiendo sana dogmata istis neochristianorum hedis ac coruis obicere in disputatione possumus, nostratibus aut robur tantisper obseruatæ ceremoniæ, partim ex sanctione Mosæ, partim etiam ex insonti purificatione Deipare Mariæ virginis, quæ Euangelica traditione constat, tum etiam ex consensu omnium Ecclesiarum facere conueniens erit, hæc aut introductio apud Armenos peragitur eo qui sequitur modo

Leui, 12.

Luce 2.

PURIFICATIO MULIERIS ARMENICÆ SIC FIT

In primis mulier siue diues sit siue pauper per 40 dies abstinet ab ingressu templi, exactis quadraginta diebus, uadit ad Ecclesiam comitata obstetrice, & honestæ conuersationis feminis, ueniensq; ante fores Ecclesiæ, dat puerum obstetrici, & sola quadragesies cadit in genua, si est uiuax femina, si debilis tum tantum inclinat caput orans præcationes Dominicas & alias orationes quas sciuerit, facta gratiarum actione, recipit puerum ab obstetrice, expectatq; aduentum sacerdotis, Deinde sacerdos sacris uestibus indutus exit ad lumen Ecclesiæ, sicq; orat supra mulierem.

Oremus

Domine Deus qui uenisti liberare hominē

nem, respice super hanc mulierē. & dona
ei ut in hanc Ecclesiam digna foret ingre
di, in castitate ad salutē tuā, ut esset pari
ceps sanctissimi corporis & sanguinis tui,
& emunda omnes immundicias corpo
ris & mentis eius, animamq; eius ad ple
nariam completionem dierum inductio
nis conserua, & exerge per manus sacer
dotis dono tuo maculas ab ea, & fac eam
dignam ingredi Ecclesiam, ad laudem
tuam sanctam, largireq; ei æternam boni
tatem tuam, quę in te est, ut sit tibi gloria
in eternum Amen.

*Tandem porrigit sacerdos mulieri stole extremitatem
& inducit in templum, postea flectit genua mulier in
medio Ecclesie & sacerdos sic orat supra puerum.*

Oremus

Deus qui renouasti ex vetustate peccati
hominem, & vitam immortalem tribui
sti ei, quicq; es virt⁹ & auxiliator, omnib⁹
ad te confugientibus, Confirmatus enī
erit amore & dono gratiæ tuę, quicunq;
sub protectionē dexteræ tuæ sanctæ con
fugerit, præsertim cum tu es dominus pro
ximus omnibus te inuocantibus in veri
tate, & benefaciens omnibus, Conserua
etiam & huuc puerum so, conseruatione
D in iustē

iustitiæ tuæ, & fac eum dignum accipere
emundationem sanctam, ac inunctione
spiritus sancti ingredi in Ecclesiam tuam
sanctam, Rogo te domine, ut descendat
super hunc puerum Io. spiritus mititatis
ac iustitiæ, ac intelligentiæ ut sit dignus
filius, ascribi in numerum electorum tu
orum per te factus quam castissimus, co
ronam ac insignitionem crucis tuæ acci
pere in dextera tua, & frui cum amicis tu
is sanctis regnum tuum cœleste, in Chri
sto Iesu domino nostro, Cui sit laus & po
testas cum viuificante spiritu sancto nunc
& in perpetuum Amen.

Postea minister accipit puerum ex ulnis maternis, &
vadit ad altare ubi sacerdos sacrificat, qui conuersus
ad puerum signat pollice os pueri, Tandem minister
dat eum matri suæ.

Peroratio Autoris

En habes Præsul dignissime, Baptisma tuorū armeno
rū Leopolien. simul cū purificatiōe mulieris post para
tū, hic iam despice & in arduis iudiciū profer, si reti
nēt vnus pastoris & vnus ouilis dogmata, si aut per
spexeris eos talibus rebus carere, propter misericordi
am Dei, coneris reducere ad ouile Christi, quos cernis
fore cōfessores Trinitatis, Sis eorū Apostolus, cū tibi
& facultas, & doctrina, ac autoritas adest, Gaudeāt
per te accepisse vnitatem, & ex vnitatem pristinam dia


gnitatē, Immarcescibile siquidē prēmīū à Deo optimo
maximo te cōitabitur, nomē etiam tuū illustre facies,
ad posterosq; eorū eternaliter mittes, Suggestes Ponti
fici Romano quātū debeat eis, qui ritibus suis appropin
quāt sibi. Remoue obprobriū à faciebus eorū, ne
sint contemptui quos abluit unda baptismi, atq; super
quos inuocatū est nomē domini Zeuaot, Si te tangit
sancti Iob patientia, si sanctitas, atq; rectitudo cordis Iob 1.
mouet, Illos enim scias esse de tam recta & sancta stir
pe. Nam Hus fuit filius Aram & Aram fuit quartus
filius Sem, à quo Armeni semite dicti sūt, seu ut Iosopho Lib. 5. ant
placet ab Aram Aramei quos Græci Syros appellant,
Et quēadmodū olim Archa domini non à casu uel for
tuito, sed Angelo Dei dirigēte in mōte Armeniæ Char
dieū dicto, requieuit, (illū enim locū Armeni Egres
soriū uocant) ita nunc te Angelo domini exercituum
disponēte, requiescat archa Ecclesiæ in mōtibus san
ctis Armenorū Christū confitētibus, Dabo breui & ali
os ritus Armenorū latine factos, qui illā uetustam Ec
clesiæ auctoritatem retinent, aduersūq; nouatas hereses
modernorum sciolorū magnam uim defensionis sub
ministrant, dummodo hæc ianua fidei primū tibi accē
pta fuerit. Vale decus Præsulū Poloniæ, tuosq;
Armenos cum translatores eorum, solita gratia
prosequi expectationiq; eorum aliquando
respondere digneris.




BIBLIOTH. UNIV.



1827-1927





Biblioteka Jagiellońska



stdr0032355

